



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 22. Pax inter Franciæ Regem, & Florentiæ Ducem conclusa.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI. dem quoque promulgatio Bruxellis Alberti Archiducis jussu die vigesima quarta Junii adstantibus Bironio Marefchallo Belleverio, & Silerio Franciæ Regi oratoribus facta est. Denique Philippus Hispaniæ Rex duodecima Julii, & Sabaudia Dux die secunda Augusti his pactis subscribere: postea vero Cardinalis Medicæus Papæ Legatus rebus adeo feliciter, prudenterque gestis plenus meritis, ac laudibus in Italiam reversus est.

§. XXII.

Pax inter Franciæ Regem, & Florentiæ Ducem conclusa.

Daniel Hist. de France to. 10. p. 231.

Jam post Henrici II. obitum Ferdinandus Magnus Etruriæ Dux a Balleto Sphixæ Insulæ, urbisque Gubernatore sollicitabatur, ut tam contra Hispanos, quam hæreticos suppetias mittere, ac præfatam insulam pro futuro Franciæ Rege tueri, atque asservare vellet, verum Dux Gallicos tumultus in rem suam versurus, hunc locum unacum Pomeguana arce sibi vendicabat, captisque repentina vi quibusdam urbibus in Provincia adversus Henricum IV. clandestina fovebat consilia, quapropter Rex Ducem iterato ad harum urbium restitutionem sollicitabat: cum vero vicissim Dux pecunias Regi mutuodatas re-

peteret, atque Henricus tum solven- *Sæcul. XVI.*
 do impar esset, hinc ad componen- *A.C.1598.*
 dum hoc dissidium Florentias Arnaldum *Lettr.*
 Ossatum, qui apud Franciæ Regem au- *d' Ossat. l'an.*
 thoritate, & gratia plurimum valebat, *1598.*
 decernere statuit, dato eidem negotio,
 ut cum Florentiæ Duce, cui Rex multis
 titulis obstrictus erat, cum omni man-
 fuetudine, ac lenitate ageret. cunctaque
 declinaret, quibus Ducem ad acerbio-
 ra commovendum, pertimescere posset:
 si vero hic, usque dum pecuniæ mutuo
 datæ numerarentur, præsatam Insulam
 retinere pertinacius peteret, id nullate-
 nus tolerandum significaret, eo quod Rex
 gratitudinis officium summo regni, suæ-
 que auctoritatis præjudicio redimere
 minime intendat: cum vero Henricus
 hoc dissidio tumultus nondum penitus
 extinctos resuscitari vereretur, remque
 occulte agi cuperet, hinc Ossatus ad
 componendam hanc litem itineris, quod
 unacum Pontifice Ferrariam eunte su-
 sceperat, occasione uti statuit, ac Flo-
 rentiam delatus Magno Etruriæ Duci
 Regis animum omni sinceritate pande-
 bat, postulans, ut Dux omnes suas co-
 pias a Marsiliæ insulis avocaret: verum
 Ossatus id ægre admodum, & non nisi
 ea lege impetrabat, ut Rex mutuatæ
 pecuniæ debitorem sese profiteretur, ac
 quotannis quinquaginta aureorum mil-
 lia

Sæcul. XVI. lia in solutionem numeraret, simulque
 A. C. 1598. duodecim viros ad Ducis arbitrium nominandos tanquam fidejussores daret hæc equidem conditio Franciæ Regi permolesta accidit, omnem tamen angorem depulit generosus Ducis animus hic enim Ossato, dum in itæ concordiæ pacta a Rege confirmata deferebat ultro petitiæ cautionis articulum revocabat. Hac igitur pace die prima Maii seu pridie ante Vervinense foedus conclusa Galliarum Rex non sine magno Reipublicæ Catholicæ emolumento quieta regni sui possessione frui cœperat.

§. XXIII.

Cardinales a Clemente VIII. Papa creati.

*Ciac. Vit.
 Pontif. tom.
 4. p. 314.*

Die tertia mensis Martii hoc anno Clementis VIII. summus Pontifex tredecim Præsules purpura decorabat quorum primi novem inter Presbyteros reliqui vero quatuor inter Diaconos cooptati fuere. Ex illis primus erat Bonifacius Bevilaqua ex antiqua juxta & illustri prosapia Ferrariæ natus, Cathedralis Ecclesiæ Ferrariensis Archidiaconus, demum intimus Gregorii XIII. Cubicularius, Patriarcha Constantinopolitanus, Presbyter Cardinalis titulo S. Hieronymi, postea S. Priscæ, & sancti Petri